# ADUNIYA KULU BORO DAAMA BEIYANIYOM

#### SENNI ZIIGO

Ka simma nna buricinitere ka n boro ŋwene iyaali bei nna daama duuri ka boro fo su hini ka honu n se ya bara bono duuri nna laakari kaniyom ãduniya kuna,

Ka simma nna ka boro daama duuri bara hei fo ka sariya hima a ma ceruma ka boro morani nna tilaasi guruje nna meiyom berekete nna kwene boro futu,

Ka simma nna naane ka ãduniya zamaa sariya nyâ dam daama duuri ga buricinitere nna boro jirima bono nna kwene daama ka a gono weiboro nna haruboro ciyom afo gonouom kuna,

Ka simma nna ka bine a hima go rokasine henno ma gono ganna nna ganna nmaaniyo binni n hãnu kulu moojine kweiyom dirou ga,

Ka simma nna ka ãduniya zamaa diya mariga beeri, tabataniyom mεεfo ceejiyom ka n baa ãduniya ganna zamaa kulu ma to daama duuri hini ga nna a zaamani safu ŋwaani ŋwaani ka n damyom nna daama duuri ko ga a jirimani ko beiyom tontoni ceeji a boŋo,

Ka simma nna ka ãduniya zamaa marga beeri tutu ka nŋayo ba mεε cinεyo kulu cii kawa bɔrɔ ŋwɛnɛ ãduniya daama duuri hini ga,

Ka simma nna ka mεεcinεyo cimaniyo ya ba nam daama duuri gweiyo ma dira dei-dei,

aduniya zamaa mariga beiyani boro nwene daama duuri adininya kuna gwei cirici ka a hima zaamani an kokari ka ci teente n nmaare ba mani za couyom hini kuna beiyom ceejiyom, ga, boro kulu ma mee cine di ci a nwene ganna zamaayom kulu mo ma duwa ka geeri tila cirici wo ga. Za ganna nmaani nmaaniyom kuna hali an to aduniya zama kulu.

## ASARIYA SINTE (1)

Aduniya kuna n gu ibuna damayo hei no dei-dei nn daama nna n burucinitere fo, n lasabu nna laakari ya nam nn mo huro cere kuna nyanze tere bonoo.

## ASARIYA HINKANTE (2)

Baa mɛi hima a ma gonna daama nna bɔŋɔɔ mɛiyom zaŋa ka daama bei beiyaniyom mɛɛ cinɛ na a siriyani dimi fisɔu yo ma sii. A sii nna n ma ci wɔ nɔ gaa kwaarɛ wɔ nɔ gaa bii wɔ nɔ weibɔrɔ wɔ nɔ harubɔrɔ.

A sii nna cine fisouyom; a sii nna adiini fisouyom a bine sii nna siyasa fisouyom.

#### ASARIYA HINZANTE (3)

Boro kulu gonna hunayom nna bogoo meiyom nna bogoo naaneyom daama.

## ASARIYA TAACINTE (4)

Boro fo na hima an ci boro fo se tam dee bine n ma mooriya berekete. A ganna no n honu tamtere nna mooriyayom berekete ba hini fo ga.

### ASARIYA GUNTE (5)

N su boro fo wahalani, n su ga cεεnani n binε su ga kamani.

## ASARIYA IDDUNTE (6)

Sariya ganna baa mani boro gono a hima an saria ganna.

#### ASARIYA IYENTE (7)

Iri kulu afo sariya mojine ya no bine sariya di gu iri kulu ceruma.

# ASARIYA AIYAAKUNTE (8)

Batumε gono bamεi sε qεε boro na sariya daali n ma cεε goosi sariyayo di mojinε ka yii ko beiyom.

## ASARIYA EGANTE (9)

Hini sii bɔrɔ fɔ sɛ a ma hacinɛ dii ka daabu ɔu a ma gɛi, dee binɛ a ma kaa kwaara ka na cii taalifɔ bɔŋɔ.

#### ASARIYA WEINTE (10)

Hini gono bamεi sε an goosi cε; goosi ka a ba hini ka a nɔ cimi ɔu a ma tãgarani a daama nna a tilasi bɔῆɔ.

## ASARIYA WEICINIFONTE (11)

Ba n taali damyom nga se goosi ma a ciba n faaba kwε yo mɔjinε n ma du ka n ci taali kwε.

A sii na n ma bɔrɔ nɔ taali daa fɔ bɔŋɔ ka sariya dom na a jisi. Ya nɔ binε hãŋa gunguyom ka a bisa sasariya sii. Sariya zaka ya hima hãŋa gunguyom.

## ASARIYA WEICINI HINKANTE (12)

Boro fo su mee dam boro fuu senni kuna berekete. Ya no bine boro fo sii nna a ma haŋasine jirima zobu. Sariya bamei ceruma nna alaamari zaŋa yayo.

#### ASARIYA WEICINI HINZANTE (13)

Daama gono bamɛi sɛ a ma kwei nunu ka a baa kulu.

A ma goro kwaara ka a sawayom a sε a ma tunu saa ka a binε baa.

## ASARIYA WEICINI TAACINTE (14)

Bamɛi ka sanani na n gaari n kwaara kuna daama gono n sɛ n ma gana kwaara ŋwaani ka hini ceeji n ma n ta yoo.

Daama di su go n daabu dee a bara nna boro wii ou bine daa berekete fo

yo ka ãduniya zamaa mariga beeri hoŋu.

ASARIYA WEICINI GUNTE (15)

Bamɛi kulu hima a ma gonna dimi.

N su hini ka hoŋu bɔrɔ sε a dimi takii bɔŋɔ.

Asariya weicini idunts (16)

Dee boro kǎ to balaga a sii nna ma dimi nna adiini fisou wei nna haru sɛ domi daama fo di no n kulu gonna za n hiije waati hali n fefeiyom saa.

N su hini ka hiije hou ka a na ci nna n boro hinka kulu bakasine.

Iyaali ya bara zaamani safu ci cirici a ganna no gominanti ga a cɛruma.

Asariya weicini iyentε (17)

Bamεi, n boŋo fo no, noo zamaa no, daama gono wo gonna duuri.

A sii n ma boro qana a duuri takii bono.

Asariya weicini iyaakuntɛ (18)

Bamɛi kulu gonna daama lasabu, ga, diayom kuna nna adiini ganayom ga n binɛ ba hini ka baaru n bɔŋɔ fɔ ɔu noo zamaa ko ga loo zaŋa ka a sawa noo sɛ.

Asariya weicini ɛgantɛ (19)

Bamɛi kulu gonna lasabu nna senni daama. A sɛ ganna nɔ bɔrɔ su ba hɛifɔ senni ɔu lasabu ko dirigoyom hɛi ka a binɛ ba senni kulu hini ka sei ba mani.

Asariya warankantɛ (20)

Bamɛi kulu gonna kummayom nna igwe kuna gonoyom daama.

N su boro tilasi igwε fo kuna wuroyom.

Asariya waranka cinifonts (21)

Bamɛi gonna daama a ma wuro a kwaara senni kuna a bɔŋɔ ɔu a barani ka a fisɔu.

Bamεi kulu afo bono gonna daama a ma gwei tε a kwaara gominanti sε.

Hɛi ka zamaa zaa ya bara kwaara yiiko. Zaayom di mo bara ka nna a tɛtɛ biri.

Asariya waranka cini hinkantɛ (22)

Ni ka kulu n gono zamaa kuna hima no n ma gonna zamaa di naane daama. A ma du kŏ bara n bukaata mŏ biyayom zaa almani nna taadayo daama duuri hini ga heiyo wo kulu nna kwaara zaama gaabi nna bine goro ka sine heinno kwarayo nwene alkawali hini ga. Ka simma nna zana ka mete yaasi

kwaara fo fo na nwene almani siriyani.

Asariya waranka cini hinzantɛ (23)

Bamɛi gonna daama a ma gwei ka ǎ baa fisɔu. Ya nɔ binɛ n ga a cɛruma nna gwei zaŋɛi.

Bamεi munaafinsi baasi gonna gwei ka n tε banayom daama.

Ni ka n gwei tε kulu gonna banayom dei-dei daama ka a ba tɔ ni n ma n ηwεnε iyaali kɔtɔ nna bεεrε bɔŋɔ.

Bamɛi gonna daama a ma gweiteeriyo zogi taayom igwɛ safu jisi a binɛ ba hini ka a bɔŋɔ dam a fɔ ŋwaani ku na a bɔŋɔ bukaata fansayom ganna.

Asariya waranka cini taacintɛ (24)

Bamɛi gonna gwei hinanzobu nna hɔɔrɛ daama gwei kɛiyaniyom zaka nna gwei hinanzobu kuna banayom saa nna saa.

Asariya waranka cini guntɛ (25)

Bamɛi gonna jisiri daama ka a ba hini ko ga ŋwɛnɛ alaafia nna a iyaali kulu cɛruma nna, zaa ŋwaari, taafɛ, fuu nna baabuyom. Dee a bara sariti ya du ni ɔu binɛ gwei ya sara musiiba ya na n zeeri, zeenɛ nɔ, dee binɛ arooba fɔ ka a na ci n saabu a bara tilasi n ma duwa tɛɛ mako daama.

Wei kunu kweiyo, koo ŋwεεrayo gonna tεεmako nna kulayom daama. Koo kulu ka nna hεi hiije bɔŋɔ, ka du ka nam nŋa ka n hεi hiije si bɔŋɔ nn kulu gonna kulayom daama.

Asariya waranka cini idunta (26)

Bamɛi gonna couyom daama. Couyom di ma du ka bara tilasi faala bɔŋɔ za coubugu cɛɛnɛ ka kwei sasa wantɛyo kammɛ gwei dendeniyom coubugu nŋa cɛrɛ hima n ma feeri bamani. Coubugu beeri n ma nŋa feeri nuŋu ka a hima.

Couyom di ma bara hɛifɔ ka a mɔɔ feeriyom nna jiri ma nufi daama duuri hini ga a ma ci saabu suuru nna kwaasitɛrɛ ma tɛɛ dimiyo nna adiiniyo binni laakari kaniyom nna wadaata ma tɛ bamɛi sɛ.

Nyaa nna baabε gonna daama n ma couyo ka n baa fisɔu n kõyo sε.

Asariya waranka cini iyentε (27)

Boro kulu gonna daama a ma wuro a dimi taada kuna ka a hukumsi.

Bamɛi gonna daama taadayo kuna a ma a kaayom taago liiba ŋwaa; tila kaayom no, ou hoorɛ taago.

Asariya waranka cini iyaakuntɛ (28)

Boro kulu gonna daama a ma te hei ka kwaara nna kwaara binni, nunu birijiyom ma si. Laakari kaniyom nna bono meiyom mo gono zana ka nna beiyani boro aduniya daama tila kuna a ma duka bara mooriyante.

Asariya waranka cini ɛgantɛ (29)

Boro gonna tilasiyo zamani ka kuna a gono. Zamani di ka kuna a folonku boro tere nna a jirima hini ka te.

A daama nna a bɔŋɔ mɛiyom looyom kuna nɔ sariya tikitɛ a sɛ a ma duwa ko bɔrɔ cinniyo daama nna n bɔŋɔ mɛiyom bei n sɛ. Macɛrɛsɛ mo gono bamɛi sɛ.

N su ba hini ka daama nna bogo meiyo di loo ka na cii zaga ka yaasi aduniyakwaara diyayo marigayom na a jisi.

Asariya waranzantɛ (30)

Beiyaniyom wo looyom ga siriya fo sii ka a ba nam kwaara fo su safu fo dee bine boro ma tunu ka koone ko ceeji ganna zamaa ma daama duuri nna bono meiyom di ka n dam tila kuna saabu.